

Headline	Bazir peluang, terlepas trofi		
MediaTitle	Metro Ahad		
Date	12 Jan 2020	Language	Malay
Circulation	120,979	Readership	362,937
Section	Arena	Page No	52
ArticleSize	274 cm ²	Journalist	MALIK MUHAMAD
PR Value	RM 32,382		



Oleh **Malik Muhamad**
sukanteam@ns-tp.com.my

Kuala Terengganu: Tonggak adik-beradik Pasukan Hoki Terengganu (THT), Faizal dan adiknya, Fitri Saari mengakui kegagalan menyempurnakan peluang menyebabkan pasukan itu tewas tipis kepada Universiti Kuala Lumpur (UniKL) dalam perlawanan merebut Piala Sumbangsih di Stadium Hoki Nasional, Bukit Jalil, malam kelmarin.

Kedua-dua pemain kebangsaan itu menganggap pasukan mereka tidak bernasib baik selepas terpaksa akur tewas 2-3 kepada pasukan musuh tradisi itu sekali gus gagal mempertahankan gelaran yang dimenangi musim lalu juga bertemu pasukan sama.

"Kita beraksi dengan baik pada malam ini (malam tadi), tapi pasukan lawan mengambil peluang selepas mendapat dua pukulan sudut penalti, sepatutnya kita mampu memenangi perlawanan sama ada 4-3 atau 5-3 jika kita mengambil peluang, tapi itulah tiada rezeki.

"Berkaitan mutu pengadil pula saya enggan mengulas, saya serahkan kepada pihak pengurusan sama ada untuk membuat aduan atau sebaliknya, kita sebagai pemain perlu terima-malah kekalahan ini," kata Fitri.

Manakala Faizal yang medak dua gol dalam perlawanan itu berkata, pasukannya tidak berupaya menyudahkan peluang terbaik sekali gus terpaksa 'berpu-



Kita pula gagal menyudahkan peluang termasuk menerusi pukulan sudut penalti, mungkin pemain lawan sudah dapat membaca gerakan set-piece kita"

Faizal Saari

tih mata' untuk meraih gelaran kedua dalam sejarah merebut trofi itu.

"Bagi saya apabila kita bertemu dengan pasukan sama hebat, pasukan mana yang berjaya menyempurnakan peluang terbaik mereka akan menang, jadi lawan memanfaatkan dua peluang menerusi pukulan sudut penalti.

"Kita pula gagal menyudahkan peluang termasuk menerusi pukulan sudut penalti, mungkin pemain lawan sudah dapat membaca gerakan set-piece kita. Jadi malam ini (malam tadi) kita gagal mempertahankan gelaran yang dimenangi musim lalu, tapi kita perlu bangkit dalam perlawanan seterusnya dalam liga dan Piala TNB.

"Kami tidak ada masalah dengan jurulatih (Muhammad Dhaarma Raj Abdullah) kerana ada antara kami pernah bermain dengannya, jadi untuk perlawanan bertemu TNB Thunderbolts dalam aksi kedua petang esok (ini), kita perlu menang untuk elak keciciran mata sekali gus buru kejuaraan liga," katanya.

VALUATOR

Company(Brand)	Mention	Tone	ROI
Media Prima Bhd (New Straits Times Press (M) Berhad)	1	0	0
Pharmaceuticals Industry News (Pharmaceuticals - Healthcare &	1	0	0
Tenaga Nasional Berhad (TNB) (Hockey TNB Thunderbolts)	2	0	0
Tenaga Nasional Berhad (TNB) (Tenaga Nasional)	2	0	0
TNB Hockey Team (TNB Hockey Team)	2	0	0
UKM - internal checking only (UKM - internal checking only)	2	0	0
Universiti Kuala Lumpur (UniKL) (Universiti Kuala Lumpur	4	0	0